

# PERMISSIO

49

## REVERENDI ADMODUM AC ERUDITISSIMI PATRIS MAGISTRI PROVINCIALIS.

**P**ermittimus, ut *dissertatio theologo-canonica*: utrum in casu Apostoli I. ad Cor. 7. parti conversæ ad secunda liceat vota migrare, per F. JOSEPHUM MAUGIS ord. erem. S. P. Augustini, in alma universitate Lovaniensi, S. T. D. R. ex nostra commissione, per R. A. ac erud. patrem Joannem Chrysostomum Leers, in alma univ. Lov. S. T. L. & sacrarum litterarum professorem, nec non provinciæ Flandro-Belgicæ definitorem, ac R. A. & erud. P. Joannem Sterck, in eadem univ. S. T. L. & professorem necnon studii theologici regentem, examinata & approbata typis mandetur. Dabamus Gandavi in conventu nostro ad S. Stephanum die 22. Ibris 1770.

Fr. JACOBUS VOLLAERT  
ord. erem. S. P. Augustini provinciæ Flandro-Belgicæ prior provincialis, in alma univ. Lov. S. T. L. & per fœderatas Belgii provincias præfetus apostolicus &c.

D

**E**X commissione adm. rev. ac erud. patris magistri provincialis, legimus opusculum, cui titulus : *Dissertatio Theologo-Canonica : Utrum in casu Apostoli I. ad Cor. 7. parti conversæ ad secunda liceat vota migrare, per F. JOSEPHUM MAUGIS, ord. erem. S. P. Augustini, in alma universitate Lovanieni S. T. D. R.* in quo communem ecclesiæ sententiam invenimus solide stabilitam, & ab objectionibus quorumdam recentiorum strenue vindicatam : quare idem valde utile, & prælo dignum judicamus. Lovanii 26. Octobris 1770.

Fr. JOANNES CHRYS. LEERSE  
ord. erem. S. P. Augustini,  
in alma univ. Lovaniensi S. T. L.  
provinciæ Flandro-Belgicæ de-  
finitior, ac SS. literar. prof.

Fr. JOANNES STERCK ejusdem  
voti, in alma univ. Lov. S. T. L.  
studii théol. regens & prof.

Adversus hanc eximi patris dissertationem prodiit  
hæc positio , quæ in scholis jurium propugna-  
ta fuit 15. Decembris 1770.

*Ad I. ad Corinth. cap. VII. ¶ 11. & 15. & cap. 7.  
¶ de divor.*

Apostolus in hoc textu refert Dominum præci-  
pere : uxorem a viro non discedere : quod si dis-  
cesserit , manere innuptam . Ab hac sanctissima &  
inviolabili lege nonnulli existimant eundem  
Apostolum exceptionem facere , dum ¶ 15. ait :  
quod si infidelis discedit , discedat , non enim  
servituti subjectus est frater aut soror in hujusmodi .  
Et hoc calu , ut dicunt , vult Apostolus in ar-  
bitrio partis conversæ esse matrimonii vinculum  
solvere . Sed quam hoc a mente Apostoli alienum  
fit , ipse textus ostendit .

Et brevi post , præcedenti dissertationi opposita  
fuit , quæ subjungitur

## D I S S E R T A T I O HISTORICO-CANONICA

*In qua ostenditur in casu Apostoli I. ad Corinth.  
cap. 7. parti conversæ liberum non esse ad se-  
cunda vota transfire.*

A U C T O R E

CLARISSIMO VIRO DOMINO

D. JUDOCO LE PLAT,

Juris utriusque in alma universitate Lova-  
nieni doctore & institutionum impe-  
rialium professore regio.

D 2